

GEHEIME SAAMTREK BY VAN STADENS

3 – 5 SEPTEMBER 2010



Dit was vir ons so lekker om te hoor dat Van Stadens verlang na die woonwaklubs dat ons besluit het om weer 'n slag daar te gaan kamp.

Die roete is gery en die baie nonsens is uitgedink om die geheime gangers se rit so bietjie korter te maak. Dit was nogals moeilik om by die AJV te maak of ons jare laas by Van Stadens was.

Al was dit vir sommiges nou seker nie 'n groot verrassing nie, was dit tog lekker om dit te kon reël. Daar het 37 woonwaens opgedaan en die naweek was sommer net 'n naweek van rus en ontspan. Ons was bly dat Ben en Ann Barnard en Basie en Reinette Mallinson van Strelitzia dit ook bygewoon het.

Vrydagaand het die uwe die storie vertel oor die seuntjie wat "wolf, wolf," geroep het. Dit het ons geleer dat ons nie mag jok nie. Daarna het almal heerlik saam gekuier om die vure.

Saterdagoggend het sommiges gaan probeer vis vang en ander het net heerlik in die son gekuier. Die kinders het die duinklimmery geniet en die heerlike koue water in die lagoon. Daar is lekker vars mossels uitgehaal wat die aand in verskeie vorms opgedis is.

Die aand se storie was van die herder met sy besonderse fluit en hoe hy sy dogter weer gaan roep het tussen die vyande. Ons moet maar self besluit of ons hoor wanneer ons Vader ons roep. Ai, tog en toe moet ons maar weer kyk hoe die arme Springbokke die spit moet afbyt.

Gelukkig is ons by SAWA nie verloorders nie. Sondagoggend het ons bietjie gekyk na sondes en tot die besef gekom dat dit wat uit my uitgaan is die sonde en nie dit wat ingaan nie.

Daar is plaatjies uitgedeel en later het almal weer lekker gekuier. Dit was eintlik nie 'n lekker gevoel om huis toe te gaan nie. Dit het gevoel of ons nog moes kuier, maar...

Baie dankie aan almal wat dit bygewoon het. Dankie vir die saamspeel en die lag. Dankie vir julle meelewing en samewerking. Volgende jaar... sal maar sien.

JOHAN EN JAKKIE

“Home sweet home” Tussen die heuwels en duine kamp ons heerlik saam met die lagune voor jou en.....



Blou branders en wit sand net waar jy kyk. Wat meer kan ons vra?



Vriende soek mekaar op om verlore geselsies in te haal. Hier gesels Trish & Mario (of word daar nou geskinder?) We sal ooit weet?



Jakkie, het vrou alleen die naweek se aktiwiteite hanteer, met 'n treffende boodskap elke dag vir groot en klein



Daar's visgevang (Danillo & Johantjie) en kastele gebou, of wat was dit Francois?



Daar's rugby ook gespeel



Kyk almal, Chantelle KAN skottelgoed was!



Lienk-Mari het heerlik gekamp met haar eie stoel en al!!



**Groot visse is uitgehaal
Hier wys Ben Weitz sy vangs**



**en die aande het almal lekker om
die vure gekuier**



Sondag se diens was in die saal gehou (deur Jakkie)



**Ons nuutste lede : Attie Viviers met Amy op die heup en
mamma Christa saam met Mieke**

